



Ukiumoortumik nalunaarut 2024





KOLOFONI

Saqqummersitsisoq: Tilioq 2025

Oqaasertai aamma aaqqissuisut: Qivioq
Løvstrøm & Emma Christensen

Assit: Tilioq, assit nammineq pigisat

Nutserisoq: Athena Mathæussen

Ilusilersuisoq: Ivalu Risager // irisager.com

Siulequt

Kalaallit Nunaanni inuit innarluutillit pillugit suliassaqarfimmi ukioq 2024 pingaarutiliusimavoq.

Tilioq ukioq manna IPS – Inuit Pisinnaatitaaffii pillugit Siunnersuisoqatigiit aamma Inuit Pisinnaatitaaffii pillugit Institutti peqatigalugit, Kunngeqarfik Danmarkip killiffisiorneqarneranut atatillugu Kalaallit Nunaanni pisinnaatitaaffiit pillugit inissisimaffimmut tunngatillugu NP-it Inuit Innarluutillit Pisinnaatitaaffii pillugit Ataatsimiititaliarsuannut nalunaarusiorpoq.

Nalunaarusiaq taanna peqatigiiffiit assigiinngitsut akornanni suleqatigiinnikkut suliarineqarpoq, tassanilu Kalaallit Nunaanni aamma Danmarkimi naalakkersuisut nalunaarusiaannut kusanarnerusunut sanilliullugu piviusoq takutinnissaanut pisussaaffeqaratta. Ataatsimiititaliarsuup misissuina ataatsimiititaliarsuarmut Danmarkimut aamma Kalaallit Nunaannut innersuussutinik pingaarutilinnik arlalinnik inerreqarpoq, inuit innarluutillit pisinnaatitaaffiinik atortuulersitsinermi immikkoortut suut pitsaanerusariaqarnersut pillugit.

Aammattaaq Tilioq Nunatsinni Inuit Innarluutillit Kattuffiat (NIIK) aamma IPS – Inuit Pisinnaatitaaffii pillugit Siunnersuisoqatigiit suleqatigalugit arlariinnik tusarniaanermi akissutinik tunniussisarsimavoq kiisalu Inuit Innarluutillit Pisinnaatitaaffii pillugit NP-it Isumaqatigiissutaanik malinnissaq pillugu Naalakkersuisut iliuusissatut pilersaarutaat nutaaq 2024-2034 ilusilersueqataaffigaa.

2024-mi inuit innarluutillit pisinnaatitaaffiinik illersuinerup iluani, nukittorsaaneq aamma attassineq pillugu peqatigiiffiit, nunat, oqaatsit aamma kulturit assigiinngitsut akornanni suleqatigiinnikkut nukittussuseq takutinneqarpoq.

Kalaallit Nunaanni inuit innarluutillit naammaginnartumik inuuneqarsinnaanissaat kiisalu namminneq angerlarsimaffimminni ataqqinassusilimmik inuuneqarsinnaanissaat anguniarlugu Tiliuimit soqutigisaqatigiit tamarmik suleqatigineratigut nangeqqissavarput.

Inussiarnersumik Inuulluaqqusillunga,

Qivioq Løvstrøm

Inuit Innarluutillit Oqaaseqartartuat





IMARISAI

Siulequt	3
Ilisarititsineq	5
Ukiup ingerlanera	6
Sammisat	10
Saqqummersitat	17
2025-mut takorluugaq	18
Tiliumut tapersersuisut	19

*Tiliumi sulisut Aannguaq
Reimer-Johansen aamma
Emma Christensen.*



Ilisarititsineq

Ukioq 2024 annertuunik pisorpassuaqarpoq, kiisalu suliaqartunik pingaarutilinnik naapitsinissamut, oqaluttarfisuaarniunammillernartunik pingaarutilinnillu oqalugiarsinnaanissamullu periarfissarpassuaqarluni. Politikikkut, oqalliffinni ammasuni, avatangiisini qanilaarnerusuni aamma ammanerusuni, kiisalu najukkami nunat tamaalaanilu tusarneqartarpugut. Inuit innarluutillit pisinnaatitaaffiisa attanneqarnissaasa qulakkeernissaat pillugu ingerlatarpassuaqarpugut. Aqqutissaq sulit takigaluartoq, aporfigisassallu amerlagaluaqisut, pingaaruteqarpoq ineriartorneq kiisalu politikikkut sulininut, aamma inuit innarluutillit pisinnaatitaaffiinnik illersuisuni suliniarnermik, iliuuseqarusussutsimik qasusissutsimik takugaangatta malunnartitsinissaq.

Angusat annerpaat ilagaat, inuit innarluutillit pillugit isumaqatigiissutip eqqortinneqarnissaa pillugu nuna tamakkerlugu iliuusissatut pilersaarussiaq, aamma kukkuneqanngitsuunngikkaluartoq, alloriarneq inuiaqatigiinnut tamatsinnut inissaqartitsisumut pingaaruteqarpoq. Angusaq alla pingaarutilik tassaavoq Danmarkip, Savallimmiut aamma Kalaallit Nunaata inuit innarluutillit pillugit isumaqatigiissummik eqqortitsinerat pillugu killiffissiorneqarmata, tassani Tiliumi, nunanit taakkunani pingasunit inuiaqatigiinni suliniuteqartut arlallit allat peqatigalugit

sassarpugut, kiisalu Kunngeqarfimmi Danmarkimi naalakkersuisut pissutsit kusanarluinnartutut saqqummiutaat annertuumik akerrilerlugit, ataatsimiititaliarsuarmullu piviusoq qanoq isikkoqarnesoq nassuiaassutigisinnalugu. Suleqatigiinnerit nukittuut aallartippagut, suliniutit pissanganartut nutaat aallartippagut, sammisat paqumigineqartut aallutarilersippagut kiisalu aalajangiisartut amerlasuut, ilaatigut tassaasut suliaqartut suleqatigisinaasagut pingaarnerpaat, oqaloqatigalugillu saqqummiiffigisimavagut.

Aamma ukiuuvooq Tiliumi allannguuterpassuaqarfiusoq kiisalu aqqissuussaanikkut aporfinnik atorunnaarsitsiffiusoq. Taamaakkaluartoq, angusarpassuaqarpugut kiisalu tamanna pissutigalugu suliffeqarfittut nukittunerulerluta.

Tamakku tamarmik allallu 2024-mi Tiliumi ukiumut tungaviliipput. Ukiumut nalunaarusiami matumani 2024-imi sammisagut tamaasa nassuiaatigissavagut. Siullertut ukiup ingerlanera nassuiaatigissavarput, tamatuma kingorna ukiup ingerlanerani sammisat annertuut, saqqummiussat annertuut, ukiumi innuttaasut saaffiginnisutai pillugit ataatsimut isigalugit, 2025-mut takorluugaq allaaserissavarput, 2024-milu tapersersortitsinnut tamanut uummammik pisumik qujavugut.

Ukiup ingerlanera

JANUAARI

- Tiliup Aannguaq Reimer-Johansen, pilersaarusiornermik suleqataasoq nutaaq tikilluaqqaa.
- Tilioq Aningaasaqarnermut Akileraartarnermullu Naalakkersuisoqarfimmit aaqqissuunneqartumut, Aningaasaqarnermut Siunnersuisoqatigiinnut onlinekkut peqataavoq. Ukiumi sammisaaq tassaavoq: *"Tunisassiorsinnaassuseq naammassinnissinnaassuserlu"*.
- Peqqissutsimut Naalakkersuisoq, Agathe Fontain Tiliumut pulaarpoq.
- Aningaasaqarnermut Akileraartarnermullu Naalakkersuisoq, Erik Jensen Tiliumut pulaarpoq.



Saamimmiik: Aningaasaqarnermut Akileraartarnermullu Naalakkersuisoq Erik Jensen, innuttaasunut siunnersorti Marita Jessen, Inuit Innarluutillit Oqaaseqartartuat Anja Hynne Nielsen aamma Aningaasaqarnermut Akileraartarnermullu Naalakkersuisoqarfimmi pisortaq Nikolai S. Christensen.

FEBRUAARI

- Tiliumi Allattoqarfimmi aqutsisoq Karen Lerch KNR TV-kkut aallakaatitami *Illemi* peqataavoq, ersinngitsumik innarluuteqarnerup ersarissarnissaa pillugu solsikkemik qilernerusaq pillugu oqaluttuarluni.
- Tiliumi suleqatigiit Nuummukarput, ukiunut tulluuttunut pingasunut periusisatut pilersaarusiassamut isumasioqatigiinnermut peqataajartorlutik.
- Tiliup Nuummi Demokraatit aamma Siumut immikkoortortaap naapippai, inuit innarluutillit ajornartorsiutigisartagaat oqaloqatigiissutigalugit.
- Karen Lerch aamma Aannguaq Reimer-Johansen soqutigisaqatigiit ataatsimiinneranni *Akisussaaqatigiitta – Peqqinneq inuunerinnerlu* peqataapput, tassunga Sisimiuni Qeqqata Kommunanit qaaqquneqarnikkut.
- Inuit Innarluutillit Oqaaseqartartuat Anja Hynne Nielsen Politikkikkut Ataqa-tigiissaarisooqatigiit (PKG) Ilulissani ataatsimiinneranni peqataavoq, tassani politikerit aalajangiisartullu allat saavanni inuit innarluutillit unammillernartut suut naapittarneraat saqqummiuppai.

MARSI

- Pilersaarusiornermik suleqataasoq Emma Christensen, University of Edinburghs Childlight-ip aaqqissugaanut, meeqqanik kinguaassiutitigut kanngutsaatsuliorneq pillugu workshopertitsinnermut peqataavoq. Tassani meeqqat innarluutillit kinguaassiutitigut kanngutsaatsuliorneqartarnerat pillugu saqqummiivoq.
- Tiliup Nadja Filskov aamma Line Vikkelsø Slot, Inuit Pisinnaatitaaffii pillugit Instituttimit pulaartut tikilluaqquai.

APRIILI

- Tilioq inuusuttunut innarluutilinnut Katuami, Nuummi workshopimik ingerlatsivoq, tassani suleqatigalugit Nossell og Co., taalliortoq Caspar Eric, aammalu nipilersortartut Rasmus Lyberth aamma Ole Kristiansen. Taakuullutik inuusuttunut innarluutilinnut taalliornermik kiisalu eqqumiitsuliornermi oqaasinnguineramik ilinniartitsipput. Inuusuttut taakku suliaat takisuumik taalliannorlugit katersorneqarput, workshopertitsinnermut tassunga atatillugu saqqummiunneqartumik, politikkikkut oqallinnermut aamma Rasmus Lyberthip aamma Ole Kristiansenip tusarnaartitsinerannut peqatigitillugu.
- Karen Lerch Nuummukarpoq inuusuttunut ilinniarfiit immikkut aaqqissugaasunut (STU) pillugu isummersooqatigiinnermut peqataajartorluni.
- Marita Jessen Webinarimut nangeqattaartumut peqataavoq: *Namminer-sorlutik Oqartussani inatsisilerineq, Nakkutigineqartussaaitaaneq.*



Tiliup taalliornermut workshopimi suleqatai. Saamimmiit: nipilersortartooq Rasmus Lyberth, taalliortoq Caspar Eric, aallarnisaasartooq Jacob Nossell aammalu nipilersortartooq Ole Kristiansen.

MAAJI

- Anja Hynne Nielsen, Karen Lerch aamma Emma Christensen Nuumi *Future Greenland*-imut peqataapput, tassani Inuit Innarluutillit Oqaaseqartartuat ilaatigut innarluutillit pillugit suliaasaqarfik, kiisalu Kalaallit Nunaat pillugu siunissamat pilersaarutini kikkut tamarmik peqataatinneqarnissaasa pingaaruteqassusaa pillugit saqqummiivoq.
- Anja Hynne Nielsen Norgemiippoq Arctic Congress-imut peqataajartorluni, tassani sammisaavoq *Hubs and Networks in the Arctic: Connecting Locally, Cooperating Globally*.
- Tiliup nittartagaa nutaaq atulersinneqarpoq, internetikkut tikikkuminassuseq qitiutillugu. Ilaatigut igalaasartami atuffassinertaqarpoq kiisalu naqinnerup angissusaanik iluarsiiiffiusinnaalluni. Tamatumuuna tappiitsut kiisalu isigiaruttut Tiliup suliaanut malinnaasinnaapput.

JUUNI

- Tiliup ukiumoortumik isummersoqatigiisitsinera ukioq manna Sisimiuni 6.- aamma 7. juuni ingerlanneqarpoq, tassani inuit innarluutillit pillugit suliaasaqarfimmi soqutigisaqartorpasuit, ulluni ilinniarsiusuni isumassarsiorfiusunilu, kateritsinneqarput. Tamatumani oqaloqatigiinnermi sammineqarpoq tamanut naleqqussakkamik ilusilersuineq kiisalu inuiaqatigiimmik tamanut inissaqartitsumik qanoq pilersitsisoqarsinnaanersoq.
- Aamma tassani, Tiliup nuna tamakkerlugu innarluutillit peqatigiiffii 8.- aamma 9. juuni Sisimiuni isumasioqatigiinnissamat qaaqquai, tassani inuit innarluutillit pillugit suliaasaqarfimmi killiffik, sumukarniarneq aamma inuiaqatigiimmut peqataatsinerusumut akuersaernerusumullu ingerlanissamat sulineq pillugu oqaloqatigiinneq aallartinneqarpoq.
- Karen Lerch aamma Emma Christensen Naalakkersuisut Narsami workshopperitinerannut peqataapput: Siunissami meeqqat inuusuttullu – Siusissukkut iliuuseqarneq aamma Ujartuilluni sulineq. Meeqqanut, Inuusuttunut, Ilinniartitaanermut, Kulturimut, Timersornermut Ilageeqarnermullu Naalakkersuisoq Aqqaluaq B. Egede, Meeqqanut, Inuusuttunut aamma Ilaqutariinnut Naalakkersuisoqarfimmi pisortaq Heidi Lindholm, kiisalu ilaatigut kommuninit, MIO-mit, Isumaginninnermut Aqutsisoqarfimmit, Ilisimatusar-fimmillu aallartitat peqataapput. Anja Hynne Nielsen onlinekkut peqataavoq, tassani ilaatigut inuit innarluutillit pitsaasumik ataq-qinassusilimmillu inuuneqarnissaat qulakkeerniarlugu siusissukkut iliuuseqarnerit pingaaruteqassusaat naqissuserpaa.
- Tilioq KNR-imit checkimik tunisippoq ulloq 14.06.2024, KNR-ip aallakaatitaq Aqqusaaq aqqutigalugu aningaasat 232.516 koruunit katersorsimavai.



Saamimmiit: Meeqqanut, Inuusuttunut, Ilinniartitaanermut, Kulturimut, Timersornermut Ilageeqarnermullu Naalakkersuisoq Aqqaluaq B. Egede, Aningaasaqarnermut Akileraartarnermullu Naalakkersuisoq Erik Jensen, tamanut naleqqussakkamik ilusilersuinnermi immikkut ilisimasalik Søren Ginnerup, DTU-mi suleqatigiinni aqutsisoq Marie Louise Pollmann-Larsen, Inuit Innarluutillit Oqaaseqartartuat Anja Hynne Nielsen, NP-inut immikkut siunnersorti Jens Wandel aammalu siunnersorti Lise Kirk.

JUULI

- Tilioq Kalaallit Nunaata NP-imit killiffis-sioneqarneranut atatillugu nalunaarusiamik saqqummersitsivoq, tamatuma Kalaallit Nunaata Inuit Innarluutillit pillugit Isumaqatigiisummik malinninnerata killiffia imaraa.
- Ulloq 2. juuli Tiliup Ataqqinartorsuaq Dronning Mary Sisimiuni Pissassarfimmi naapippaa, kunngikkormiut Kalaallit Nunaannut tikeraarnerannut atatillugu.
- Inuit Innarluutillit Oqaaseqartartuat Kunngip Umiarsuaanut Dannebrogimut Ataqqinartorsuarnik nereqateqarnisamat qaaqqusaavoq.



Inuit Innarluutillit Oqaaseqartartuat Anja Hynne Nielsen ataqqinartorsuaq Dronning Marylu Kalaallit Nunaanni inuit innarluutillit atugarisaat pillugit oqaloqatigiittut.

AGGUSTI

- NP-it Kalaallit Nunaata Inuit Innarluutillit pillugit Isumaqatigiisutaanik malinninera pillugu Genève-mi misissuivoq, tassani Kunngeqarfik Danmark ataatsimiititaliarsuarmut sassartinneqarmat, Inuit Innarluutillit pillugit Isumaqatigiisutaannik atortussanngortinneqarmat, aalajangiisartutsinik pisussaaffinnik akisussaaffiliiffiusumik. Anja Hynne Nielsen aamma Emma Christensen peqataapput. Tassani ataatsimiititaliarsuarmi ilaasortanik naapitsinissamut kiisalu, Danmarkimit aamma Savalimmiunit inuiaqatigiinni suliaqartunik allanik, matuma ataani Danske Handicap-organisationer, Danske Døves Landsforbund, Lev, MEGD aamma Inuit Pisinnaatitaaffii pillugit Instituttip naapinnissaannut periarfissinneqarlutik.
- Tiliumi allattoqarfimmi sulisut Sarfannguanut aamma Itillermut angalaqatigiipput.
- Tiliumi allattoqarfik pikkorissarnermut peqataavoq, tassani immikkut ilisimasalik Arnarak Patricia Bloch imminut toquttarnermut pinaveersaartitsinermi atortussat pillugit ilinniartitsivoq.



Inuit Innarluutillit Oqaaseqartartuat Anja Hynne Nielsen Genève-mi NP-it ataatsimiititaliarsuaannut oqalugiarloq.

SEPTEMBARI

- Tiliup assiliinermi suliniut *Pinngortitaq tamatsinnut* ingerlappaa, tassani meeqqat inuusuttullu innarluutillit pinngortitami assiliinermik ilinniartinneqarput. Sisimiuni najuqaqartut assiliisartoq Arnajaraq Støvlbækimit ilinniartinneqarput, taassuma meeqqat tunngavissippai isumassarsiorlutik takussutissiisnnaannissaannut kiisalu pinngortitap pinnissusaanik takunnileqqinnissaannut.
- Emma Christensen naqinnernik ilisarinnissinnaannginneq aamma atuarniarnermi allanniarnermilu ajornartorsiutit pillugit Nuummi isumasioqatigiinnermut peqataavoq, tassani sulissutigineqarniarpoq innuttaasut tamarmik, atuarsinnaanissamat aamma allassinnaanissamat ikiutissat pisariaqartitaat qanoq qulakkeerneqarsinnaanersut.

OKTOBARI

- Inuit Innarluutillit Oqaaseqartartuat *Pimmatiginnittarneq pillugu Ataatsimeersuarnermut* peqataavoq, taanna workshoppiuvoq Ilinniartitaanermut Aqutsisoqarfimmit ingerlanneqartoq. Anja Hynne Nielsen meeqqat innarluutillit atugarisaat pillugit oqalugiarpog.
- Tilioq Ilinniartitaanermut Ataatsimiititaliap naapinnisaanut Qeqqata Kommunanit qaaqquneqarpoq tassanilu Tiliup suliasai akisussaaffilu pillugit saqqummiilluni.
- Aqqummi (Nuna tamakkerlugu ilinniartunut siunnersuisarfik) ilinniartut Tiliup pularput, tassani Tiliup sulinera pillugu saqqummiisoqarpoq.
- Assit, assiliinermi suliniummi *Pinngortitaq tamatsinnut* assilinqartut ulloq 31. oktobari Sisimiuni Taseralimmi saqqummersinneqarput. Meeqqat assinik saqqummersitsisut, ilaqutaat aamma ikinngutaat kiisalu Sisimiunersut allat nalliuttorsiornermi peqatigalugit, Tilioq saqqummersitsinermik kusanartumik ammaavoq.
- Suleqat nutaaq Niels Skifte, pilersarusiornermik suleqataasoq Tiliup tikilluaqqaa.



Meeraq Taseralimmi Sisimiuni assilisimasaminik saqqummersitsisoqarnera tulluusimaarutigigaa.

NOVEMBERI

- Tiliup *16 Days of Activism* aallartippaa, tassaasoq nunarsuaq tamakkerlugu suliniut, arnanut nakuusertarneq aamma atornerluisarneq pillugu aallussitsisoq.
- Tiliup Anja Hynne Nielsen, 2021-mit 2024-mut Inuit Innarluutillit Oqaaseqartartuatut atorfeqarsimasog innuulluaqqaa.
- Assit assiliinermik suliniummi *Pinngortitaq tamatsinnut* assilinqartut ulloq 25. novembari Samisk Hus-imi, Tromsømi Norgemiittumi saqqummersinneqarput. Tassani immikkut qitiutinneqarpoq kinguaariit nikinnerat, suliniutip attorsimasaa, pingaartumik najukkami inuiaqatigiit pillugit utoqqaat oqaluttuaat, suliniummi meeqqat assilisimasaat.
- Marita Jessen ulluni 24.- aamma 25. novembari 2024-mi *Inuit Innarluutillit pillugit Isumasioqatigiinnermi* saqqummiivoq, tamanna Perorsaarnermik Ilinniarfik PI/SPS-imit Ilulissani ingerlanneqarpoq, kiisalu Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmik suleqateqarnikkut piviusunngortinneqarluni.

DECEMBARI

- Tiliup suliniut *16 Days of Activism* naggaserpaa, tassani inuit innarluutillit, pingaartumik meeqqat qitiutillugit nakuuserfigineqartarnerat aamma kinguaassiutitigut kanngutsaatsuliorfigineqartarnerat aallunneqarput.
- Tilioq filminik aalasulianik naatsunik pingasunik saqqummiusivoq, tassani qitiutinneqarput meeqqanik innarluutilinnik kinguaassiutitigut kanngutsaatsuliorarneq pillugu sammisat assigiinngitsut, ilaatigut ilisarnaatit takussutissat suut meeqqami isiginiarneqassanersut, taama pisoqarpat qanoq iliortoqassanersog kiisalu akuersaarnermik killissanillu eqqartuineq paasiuminartoq. Taakku sapaatip-akunnerisa marluk ingerlanerini KNR-ikkut takutinneqarput. Aalasuliat Tiliup nittarta-gaani takuneqarsinnaapput.
- Naalakkersuisut Qivioq Løvstrøm Inuit Innarluutillit Oqaaseqartartussaattut, 1. januaari 2025 atorfinittussat saqqummiuppaat.
- Tiliup nalunaarusiaa *Atornerluineq akiorniarlugu* ataatsimut saqqummersinneqarpoq. Nalunaarusiaq Kalaallit Nunaanni meeqqat innarluutillit kinguaassiutitigut kanngutsaatsuliornerannut tunngavoq, tassanilu nassuiarneqarput ajornartorsiut, kinguneqaatai kiisalu qanoq iliortoqartariaqarnera.
- Tiliup suleqatit marluk innuulluaqqai, Karen Lerch aamma Aannguaq Reimer-Johansen, allanik misigisassarsiornartut.

Sammisat

Politikkikkut ataatsimeersuarnermi sammisaq; innarluut

Tilioq ukiuootumik politikikkut ataqtigiissaarisogati-giit ataatsimiinneranni (PKG) Ilulissani ingerlanneqartumi oqalugiapoq, tassani Tilioq politikerinik, borgmesterinik kiisalu oqartussaasunik allanik inuit innarluutillit pillugit suliaasaqarfik pillugu oqaloqateqarnissamut periarfissineqarpoq. Inuit Innarluutillit Oqaaseqartartuata sammi-saasa imaraat:

- Atugarisat pitsanngorsaannarniarnerannit, inuit innarluutillit inuiaqatigiinni tamakkiisumik ilaallutik innut-taasutut akuersaaneqarnissaat anguniarneqassasoq.
- Inuit innarluutillit piginnaasaanni, iluaqutissaanni aamma periarfissaanni aningaasaliisoqassasoq, taamaasillutik ataatsimoornermit, ilinniarkinna, suliffeqarfeqarfinni aam-ma sunngiffimmi peqataalernissaat anguniarlugu.
- Inuit innarluutillit pillugit suliaasaqarfimmi aningaasa-liinerit kiisalu inuit innarluutillit ileqqorissaarnikkut pisussaaffiinnartut inissisimannginnerannik, aammali siunissaq ungasinnerusoq eqqarsaatigalugu aalaja-ngiineq aningaasaqarnikkut eqqarsarluarnerusoq, innuttaasut kalaallinut inuiaqatigiinnut peqataanissa-mut tapersiisuteqarnissamullu periarfissaqarnermik tunineqarsinnaammata nassuerutigineqassasoq.
- Aningaasaliineri pingaarnersiuneq iliuuseqarnissa-mut suleqatigiinnissamullu kajumissaarineruvoq – tassani suleqatigiinnermi siullertut pineqartut suleqa-tigineqassapput – inuit innarluutillit.

Tiliup saniatigut, innuttaasut marluk aamma ullutsinni inunnut innarluutilinnut atugarisassat piviusut pillugit saqqummiussinissaminut qaaqusaapput. Taakku tassaasut: Niels Skifte inuusuttuulluni milikartoornermik eqqugaasimasutut systemimut akiuunnini pillugu. Kiisalu



Taalliortoq Caspar Eric aamma nutserisoq Zandra Alaufesen Katuami aqqqissuussineri taalliaq takisooq saqqummiikkaat. Caspar danskisut

Katrine Skade annikinnerusumik piginnaasalimmik meeraqarluni inuunermi ukiorpassuarni kiserliorlunilu ikiorneqarnissamut assoroorsimanini pillugit.

Tiliup neriutigaa politikerit peqataasut, oqariartuutit saqqummiunneqartut paasissagaat, kiisalu Kalaallit Nunaanni inunnut innarluutilinnut piviusumik allanngui-nermik pilersitsinissamut kajumissutsit atussagaat.

Taalliornermi workshoppi

Aprili Tilioq Nossell & Co. suleqatigalugu, inuusuttunut innarluutilinnut 15-init 35-inik ukiulinnut ulluni marlunni workshoppimik ingerlataqarpoq. Inuusuttut 9-t peqataap-put, Katuami Nuummiittumi ingerlanneqartumut. Tassani sammeneqarput eqqumiitsuliorneq, taalliorneq, nutaalior-nermilu nipimik oqaatsinilu atuineq. Danskeq taalliortoq Caspar Eric, cerebral parese-qartoq tikeraarpoq. Oqaasin-nguinissamut kiisalu taalliornermik aallartitsinissamut inuusuttut ikiorpai. Tamatuma saniatigut Rasmus Lyberth aamma pulaarpoq, eqqumiitsuliornermi, erinarsornikkut assilialiornikkullu nammineq aqqutini inuusuttunut oqa-luttuaralugu. Danskeq aallartisaasoq, Jacob Nossell, aam-ma cerebral parese-qartoq, politikikkut oqaasinngusar-neq aamma nipituumik namminerlu oqaasinnguissamut sapinnginnissaq pillugu saqqummiivoq. Taakku tamarmik taalliamik takisuumik, inuusuttut tamarmik tapersiiffi-gisaannik inerneqarput.

Ullup aappassaani Anja Hynne Nielsen, Jacob Nossell, Caspar Eric aamma Aqqaluk Lynge oqalliseqatigineqarput. Caspar Eric taallianik atuaavoq, taalliaq takisooq, ullup siuliani pilersinneqartoq atuarneqarpoq, kiisalu Ole Kristiansen aamma Rasmus Lyberth tusarnaartitsipput. Aqqqissuussaq tamanna kikkunntut tamanut ammavoq, inuit 150-it 200-llu missaanniittut takkupput, neriutigi-samit amerlanerujussuullutik.

Workshoppi iluatsilluarpoq, inuusuttullu innarluutillit peqatigiitillugit pingaarutilimmik pilersitsinnaanerat Tiliup nuannaarutigaa.

Aajuna taalliaq takisooq inuusuttut pilersitaat:

Inuit Innarluutillit Oqaaseqartartuat Anja Hynne Nielsen, Niels Skifte aamma Katrine Skade ilagalugit. Politikikkut ataatsimeersuarnermi (PKG) inuit innarluutillit atugarisaat oqallisiginarlugit peqataasut.



Sinnattoraara taalliaq

Sinnattoraara silarsuarmi tamatta naligiinnissarput, tamatta inissaqarnissarput,
aamma tamatta pisinnaasatta takuneqarsinnaanissaat

Sinnattoraara drifter-inngornissara biilit vroom vroomertartut and boom boomertartut nuannareqigakkit

Sinnattoraara aallussisinnaanissara

Sinnattoraara nammineq ikiortariaqarnera takusinnaangikkaangakku
allat ikiortariaqarnera takusinnaassagaat

Sinnattoraara itsarnisarsiuutut sulinissara

Sinnattoraara meerartaarnissara sinaakkuteqartinnissaallu

Sinnattoraara imminut salliunnissara

Sinnattoraara allat paasilluarsinnaalernissaat

Sinnattoraara silarsuup paasissagaanga silarsuarlu paasissagiga

Sinnattoraara 100%-imik namminiunissara

Sinnattoraara eqqissisimasinnaasarnissara

Sinnattoraara nukittoorsuunissara

Sinnattoraara eqqaamasaqartarnissara puiugaqartarnissaralu

Sinnattoraara kukkunanga allanik ikiuisinnaanissara

Sinnattoraara sorusunnerlunga ilisimaqqissaassallugu

Sinnattoraara eqqarsaatima paasiuminartumik oqaatigisinnaanissaat

Sinnattoraara nunaateqarnissara qimmerpassualimmik

Sinnattoraara pitsaasumik inuuneqarnissara

Sinnattoraara rockstjerniunissara

Sinnattoraara qeqertami kisimiinnissara

Sinnattoraara suliniutit naammassisinnaanissaat

Sinnattoraara kalaallisut oqalussinnaanissara

Sinnattoraara broadwayimi isiginnaartitsisarnissara

Sinnattoraara qulimiguulimmik timmisartortartunngornissara

Sinnattoraara namminersorlunga inuusinnaanissara aningaasaqarnikkut ajornartorsiuteqarnanga

Sinnattoraara hiistertaleqqinnissara

Sinnattoraara atuakkamik saqqummersitsinissara

Sinnattoraara oqaatsit tallimat atorlugit oqalussinnaanissara

Sinnattoraara nerisassat, akiligassat, nalequttat atisallu qasseqarnersut
isumakuluutiginagu namminersorlunga inuusinnaanissara

Sinnattoraara nipilersornikkut tusarnaartitsinermi Les Misérables-imi Eponine-p appisimaarsinnaanissaa

Sinnattoraara autistitut ukiorpassuarni nukissaarunnanga inuunissara

Sinnattoraara make-up artistinngornissara

Sinnattoraara “peqqisseqqinnissara”

Sinnattoraara Danmarkimut ilinniariarnissara

Sinnattoraara ataasiarlunga Ramus Lybertitut innissara nipilersoqatiginissaalu, mikisuullungali
angajoqqaarsiakka biileqatigigaangakkit tamatigut tusarnaartarnikuuara

Sinnattoraara amerlanerusunik ikinnguteqarnissara

Sinnattoraara inuttut “nalinginnaasutut” isigineqarnissara

Sinnattoraara nunatsinni pisorta qarfiit pitsaanerulernissaat

Sinnattoraara amerlanerusunik ikinnguteqarnissara

Sinnattoraara aappara ilagalugu kiattunukarnissara

Sinnattoraara eqqissillunga, naleqqussarnanga annilaanganangalu inuit akornannissinnaanissara

Sinnattoraara paasinninnermik ersersitsiffiusumi sulinissara

Sinnattoraara iliuuseriniakkama eqqarsaatigeqqissaartannginnissaa
iliuuseriniakkamaluunniit unitsiinnartannginnissaa

Sinnattoraara imminut apeqqusersorunnaarnissara

Sinnattoraara inuit akornanniinnerulernissara.

Nittartagaq nutaaq atoruminartooq

Maajimi Tilioq nittartakkamik nutaamik atulersitsivoq, pitsaannerusumik ilusilersuineq, atuisunut atoruminarnerunissaa aamma internettikkut annertunerusumik atoruminertuunissaa anguniarlugit. Igalaasartamik atuaasinnaavoq, naqinnerit allanngortinnissaannut periarfissaqarpoq kiisalu *Web Accessibility Guidelines*-imi tunngaviit malillugit. Saqqummiussinnermut atatillugu Tiliup Karina Rasmussen, isigiarsuttuusoq peqatigalugu paasitsiniaaneq saqqummiuppaa. Tassani Karinap internettikkut ujartuisarnermini internetti atoruminartuugaangat misigisani oqaluttuaralugit.

Pingaartumik tappiitsuugaanni imaluunniit isigiarsuttuugaanni internettimi ikuutinik atuinani ujartuiniarneq ajornakusoorlunilu ajornarsinnaavoq, taamaattumik Tilioq nittartakkat nutarsarnissaat pingaartippaat. Tiliup suliffeqarfiit kiisalu pisortani ingerlataqarfiit tamaasa kajumissaarusuppai nittartakkatik, kikkunnut tamanut atoruminartuutinniarlugit nutarsaanikkut malissagaatigut.

Isumasioqatigiinneq

2024-mi Tiliup ukiuomortumik isumasioqatigiinnini Sisi-miuni Taserallimmi ulluni 6. aamma 7. juuni ingerlappaa. Politikkip, pisortat, inuit innarluutillit peqatigiiffiisa, inuusutissarsiornerup allarpassuillu iluini soqutigisaqatigiit

peqataapput, tassani saqqummiinerit pissanganartut oqaloqatigiinnerillu imaqarluartut pipput.

2024-mi sammisaq tassaavoq tamanut naleqqussakkamik ilusilersuineq, qitiutinneqarluni inuiaqatigiit aqqissuussinerillu, tamanut – aamma inunnut innarluutilinnut inissaqartitsiffiusut ilusilersorneqarnissaat. Sanaartornermi, ilinniartitaanermi, takornarialerinerimi allanilu.

Tamanut naleqqussakkamik ilusilersuineq inuiaqatigiinnut tamanut iluaqutaassaaq, kiisalu inunnik innarluutilinnik peqataatsinermik qulakkeerinnessalluni. Tamanut naleqqussakkamik ilusilersuinerimi inuit annikinnerusumik piginnaasallit tamakkiisumillu piginnaasallit assigiingisinneqanngillat. Tamatumani qitiutinneqarpoq inuuneq naallugu inunnut tamanut aaqiissutini pilersitsinisaaq. Tamanut naleqqussakkamik ilusilersuineq kikkunnut tamanut periarfissanik pilersitsisumik, aaqiissutiniq nutaaliormik tikilluaqqusivoq. Taakkununga asser-suutaapput kigutigissaatit elektriskiusut, atuakkat naalaagassat, smartphone-it allarpassuillu kikkut tamar-mik iluaqutiginnaasaat. Tamanut naleqqussakkamik ilusilersuinerimi immikkoortut assigiingitsut ingerlateq-qinniarlugit, NP-inut immikkut siunnersorti Jens Wandel, Dansk Teknisk Universitetimi (DTU) suleqatigiinni aqutsisoq Marie Louise Pollmann-Larsen, sianissutsikkut piginnaasani periutsini immikkut ilisimasalik Dr. Jeanne Zehr, tamanut naleqqussakkamik ilusilersuinerimi immikkut



Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq Aqqaaluaq B. Egede Tiliup aaqiissuussaa aallarnerlugu oqalugiartooq.



Kalaallit Nunaanni inuit innarluutillit peqatigiiffiisa Tiliup isumasioqatigiinneranut aallartitaasa ilai.

ilisimasalik Søren Ginnerup, ilikkariartornermut tamanut naleqqussakkamik ilusilersuinerimi immikkut ilisimasalik Mette Molbæk, neurofysioterapeut Henrik Kirk aamma peqataatsinerimi immikkut ilisimasalik Kalle Ristikartano saqqummiipput. Ilisimasat misilittakkallu nalituut avitse-qatigiissutigineqarnerinut tamanut qujavugut.

Tiliup immikkut qujaffigerusuppai Meeqqanut, Inuusut-tunut, Ilinniartitaanermut, Kultureqarnermut, Timersor-nermut Ilageeqarnermullu Naalakkersuisoq Aqquaq B. Egede, Aningaasaqarnermut Akileraartarnermullu Naalakkersuisoq Erik Jensen, Peqqissutsimut Naalakkersui-soq Agathe Fontain aamma Ilaqutariinnermut Peqqissut-simullu Ataatsimiititaliami ilaasortat Mala Høy Kúko, Anna Wangenheim, Doris J. Jensen, Dines Mikaelson kiisalu Edvard Nielsen Aronsen peqataanerannut kiisalu aaqqi-sutsinik pilersitsiniarnermi piumallutik sulerusussuseqar-nerannut. Aatsaat taama politikikkut suliniuteqartut taa-ma amerlatigisut najuupput, tamannalu nuannaarutigiso-rujussuupput.

Oqaloqatigiinnermik ammaasoqarpoq, tassani siunner-suutit, aaqqiissutissat aamma suliniutit pissanganartut qaqinneqarput, sanaartukkat, aaqquissuussinerit, nioq-qutissat, inuussutissarsiorneq kiisalu Kalaallit Nunaat nalinginnaasumik kikkunnit tamanit peqataaffigilersin-naangortinniarlugu. Tiliup taakku piviusunngortinnis-saannut suliniuteqarneq kiisalu politikerit neriorsuutimin-nut akisussaatinneqarnissat ingerlatiinnassavaa.

Peqatigiiffiit isumasioqatigiinnerat

Sisimiuni Knud Rasmussenip Højskoliani Tiliup isumasio-qatigiisitsinerata kingunerani ulluni, Kalaallit Nunaanni inuit innarluutillit peqatigiiffii tamaasa katersorpagut, tassaasut NIIK, KNIPK, KTK, ISI, Sugisaq, Autismeforenin-gen, ADHD Kalaallit Nunaat, gigtertut peqatigiiffiat, Peqatigiiffik Ingerlariaqqiffik aamma peqatigiiffik Inooqat. Peqataanissamut piffissaqarsimammata tamaasa iluun-ngartumik qujaffigaagut.

Tilioq inuiaqatigiit aamma politikkip akornanni oqaase-qartartut atuuttussaavoq, matumanilu peqatigiiffiit su-nik unammilligassaqaqarnersut, sunik sulissuteqaqarnersut, qanoq immitsinnut tapersersoqatigiissinnaanersugut kiisalu ataatsimoorluta inuit innarluutillit pillugit sulias-saqarfik qanoq sunniivigisinnaaneripput annertuumik paasisaqaqfigisarpaq. Taamaattumik piffissaq taanna ukiumi pilersaarutinut ilanngutissallugu pisariaqarlui-narpoq.

Ilanngullugu NP-inut immikkut siunnersorti Jens Wandel, tamanut naleqqussakkamik ilusilersuinerimi immikkut ilisimasalik Søren Ginnerup aamma neurofysioterapeut Henrik Kirk saqqummiussipput, tamarmik saqqummiiner-nik imarisamik annertusiisunik tunniussipput, peqatigiif-finnut ulluinnarni sammisanik ikiutaasinnaasunik kiisalu qanoq politikikkut sunniuteqarsinnaanerannik saqqum-miillutik. Ilanngullugu, neurofysioterapeut Henrik Kirk peqataasunut tamanut aalatitsivoq.

NP-it Inuit Innarluutillit Pisinnaatitaaffii pillugit Ataatsimiititaliarsuat

Ataatsimiititaliarsuup misilitsitsinera una sivilisuumik utaq-qineqarpoq. 2020-mi pisussaagaluarpog, Coronalli nunarsuaq tamaat tunillaassuunera pissutigalugu kinguartineqarnikuulluni. Ataatsimiititaliarsuup misissuinerata siunertaaraa qulakkiissallugu, nunat tamarmik, Inuit Innarluutillit pillugit Isumaqaatigiisummik atsiorsimasut ator-tussanngortitsisimasullu, Isumaqaatigiisummi immikkoortut qanoq annertutigisumik malinneraat nalilersussallugit. Ataatsimiititaliarsuarmi ilaasortat inuit innarluutillit pillugit suliaasaqarfimmi immikkut ilisimasallit 18-it apeqquteqartarput, ajornartorsiutinik erseqqissaasarlutik kiisalu suliasaqaqarfinnik, pitsannguissamut pisariaqartitsiffiusunik nassaartarlutik. Ilassuteqaatit taakku innersuussutinik arlalinnik suliaqarnermut ator-neqartarput.

Aggusti 2024-mi Danmark, Savallimmiut aamma Kalaallit Nunaat, tassa Kunngaqarfik Danmark, Genève-mi ataatsimut killiffissiorneqarput, tassunga Tilioq aamma peqataavoq. Tiliup suliaasaa pingarneq tassaavoq Kalaallit Nunaanni Inuit Innarluutillit pillugit Isumaqaatigiisutit tamakkiisumik atuutsilersinneqarnissaa qulakkiissallugu, taamaattumillu peqataanerput pingaruteqarpoq. Naalagaaffiit Peqatigiit oqalliffissuaanni Kalaallit Nunaanni

ajornartorsiutit unammillernartut ingerlalluarfiillu pillugit nalunaarsuisinnaasimanerput tulluusimaarutigivarput.

Ajornartorsiutit, Tiliup innuttaasunik sullissinermini takusagaasa ilaat erseqqissarniarlugit Anja Hynne Nielsen aamma Emma Christensen peqataapput. Unammilligasat taakku nalunaarusiami Tiliup juulimi saqqummiussaanit Tiliup erseqqissareersimavai. Ataatsimiititaliarsuarmi ilaasortanik toqqaannartumik ataatsimeeqateqarnermi sammisat pingaarnerit ingerlateqqinnissaanut Tilioq periarfissinneqarpoq, taakkulu Naalakkersuisunut apeqquteqarnerminni paasisatik atorpaat.

Tiliup inuit innarluutillit peqatigiiffii aamma inuit pisinnaatitaaffiinik suliaqartut allat peqatigalugit saqqummiippat. Peqatigiiffiit, Tiliup peqatigisaata ilaat tassapput, Danske Handicaporganisationer, Danske Døves Landsforbund, Lev, Færøernes MEGD aamma Inuit Pisinnaatitaaffii pillugit Institutt taannalu aamma Kalaallit Nunaanni Inuit Pisinnaatitaaffii pillugit Siunnersuisoqatigiit sinnerlugit oqaaseqarpoq. Annikitsumik siuariartoqartaraluartoq nalinginnaasumik isumaqaatigiiffiuvoq, Kunngaqarfimmi Danmarkimi inuit innarluutillit atugarisaat ajoraluartumik kinguar-tortut.



Kunngaqarfik Danmarkimi inuit pisinnaatitaaffiinik suliaqartut. Danske Handicaporganisationer, Danske Døves Landsforbund, Lev, Færøernes MEGD, Tiliumiit Anja Hynne Nielsen aamma Emma Christensen ilagalugit assilitippat.



Suliniuummi 'Pinngortitaq tamatsinnut'-mi peqataasimasut ilaat.

Pinngortitaq tamatsinnut

2024-mi septembarimi sapaatip-akunnerini marlunni ingerlanneqartumik, Sisimiuni Minngortuunnguup Atuafiani specialklassit marluk, assiliisartoq Arnajaraq Støvlbækimit atuartinneqarput, periarfissinneqarlutillu assilivik atorlugu, pinngortitamik najukkamilu avatangiisinik kusanartunik assiliinissamut, pinngortitamillu misissuissamut. Assiliinermik ilinniartitsineq pinngortitamiinissamut pinngortitamillu atuissamut periarfissiivoq, misigisanik pitsaasunik tunniussilluni kiisalu nammineersinnaassusermik tigussaassuseqartitsinermik namminerlu oqaluttualianik pilersitsisinnaanermik pilersitsilluni.

Assiliinermik ilinniartitsineq aallartippog, meeqqat Sisimiuni oqaluttuarisaanermi ineriartornermik paasisaqarnerisigut, innuttaasut utoqqaat arlallit meeraagallaramik pinngortitami pinnguarternerminnik oqaluttuarnerisigut – qimmip anaanik imaluunniit aarrup nakasuanik pullatanik arsartarnermit timmiaaqqap iniliutaanik paarsinermut.

Meeqqat spejlreflekskamera aamma assiliiviup inissiissutai, qaamaneq aamma sammiviit assilisassamut oqaluttuamillu pilersitsinissamut qanoq atorneqartarnersut ilinniartaat. Meeqqat spejlreflekskamera nuannaarutigisorujussuaat, meeqqallu namminneq isiginnittariaasiiniit assilisat kusanartut assigiinngitsorujussuillu assileneqarput.

Assilisat taakku Sisimiuni Taseralimmi aamma Romssa Sámi Viessu – Samit Illuanni Tromsømi, Norgemi saqqummersinneqarput. Saqqummersitsinermik ammaanerit ingerlanneqarput Sisimiuni ulloq 31. oktober aamma Tromsømi ulloq 25. november. Meeqqat assilisatik iikkani nivingasut takugamikkut nuannaartorujussuupput.

Ilinniartitsinermi atuartitsinermi atorneqartut, saqqumiinneqarput, sinerissamilu atuarkiit tamarmik ilinniartitsinermik assingusumik ingerlatsinissamut kajumissaarneqarlutik.

Kanngutsaatsuliorneq akiorniarlugu ataatsimut

Suliniut una 2024-mi Tiliup suliniutaasa annerpaat ilagaat, Kalaallit Nunaanni meeqqat innarluutillit kinguaassiutitigut kanngutsaatsuliorneqartarnerat pillugu aallussitsiniartoq. Tilioq maluginiarsimavaa, meeqqanik kinguaassiutitigut kanngutsaatsuliortarneq aamma inunnik innarluutilinnik kinguaassiutitigut kanngutsaatsuliortarneq annertuumik aallunneqartut, taammakkaluatorli ataatsimootinneqarneq ajortut. Tamanna unammillernartunut takunngitsoorneqartunut annertuumik alliartulersitsiffiuvoq, pingaartumik inunnut sanngiitsumik inissisimasunut tassa meeqqanut innarluutilinnut, meeqqanik innarluuteqanngitsunit illersorneqarnissamut pisariaqartitsinermi allaanerussuteqartunut.

Suliniutumi siunertaavoq, ajornartorsiutip pingaarnersaata, unammillernartut sanngiiffiillu suunerinik, inummut inuiaqatigiinnullu kingunerisat suunerinik, ajornartorsiut aqqinniarlugu qanoq iliornissatsinnik, kiisalu aalajangiisartunut atortussanik ilisimasanillu pilersitsinisamut, innuttaasut suliaqartullu meeqqat innarluutillit isumannaatsuunerisa annertusarnissaanut qanoq iliorsinnaanerannut eqqumaffiginninnermik pilersitsinissaq.

Suliniut assigiinngitsunik imaqqarpoq. Taakku tassaapput:

1. Nalunaarut, ajornartorsiutip annertussusaanik, kingunerisaanik kiisalu meeqqat isumannaannerulersinnissaannut qanoq iliornissatsinnik kiisalu kanngutsaatsuliortoqarsimappat mamisarnissamik qulakkeerinninnissamut tunngasunik imaqqartoq.

2. Sulisunut, kommuninut aamma najukkami politikernut ilitersuut, ajornartorsiut najukkami qanoq aqqinneqarnissaa pillugu. Matumani siunnersuutit kiisalu suut pingaarnertinneqassanerinik ilitersuutit ilaapput.
3. Podcasteq nangeqattaartuaraq, tassani immikkut ilisimasallit pingasut oqaloqatigaagut, inunnik innarluutilinnik kinguaassiutitigut kanngutsaatsuliortarneq pillugu ilisimasaminnik avitseqatiginnittut. Perorsaasumik aamma psykoterapeutimik, Kalaallit Nunaanni Politiinit aamma psykologimit pulaartoqarpugut.
4. Aalasuliat pingasut, Inuk Mediamit suliarineqartut, meeqqat innarluutillit kinguaassiutitigut kanngutsaatsuliortarneq pillugu, meeqqami takussutissanik sunik ujaasinissamik takutitsisut, taamalu pisoqarpat qanoq iliortoqarnissaanik kiisalu akuersinermik killissanillu ersarissumik takutitsiineq pillugu inuiaqatigiinnut siammasinnerusunut paasititsiniaasussat. Aalasuliat naannertai KNR-ikkut 2024-mi novembarimi aamma decembarimi takutinneqarput.

Suliniutumi immikkoortut tamarmik Tiliup nittartagaani takuneqarsinnaapput.

Saqqummersitat

Nalunaarusiaq

Nalunaarusiaq NP-it Kunngearfiup Danmarkip Inuit Innarluutillit Isumaqatigiissutaanik malinninnera pillugu killiffissiorneranut atatillugu allanneqarpoq. Nalunaarusiami siunertaavoq ataatsimiititaliarsuarmut Kalaallit Nunaannik misissuisussamut, inuit innarluutillit piviusuat qanoq innersoq takutissallugu. Taamaattoqanngippat NP-it pissutsit piviusut paasisaqarfiginavianngilaat. Ataatsimiititaliarsuup apeqquterpassui aamma innersuussutit kingorna takkuttut Tiliup nalunaarusiaanik kiisalu inuiaqatigiinni suliniuteqartut allat nalunaarusiaanik, ass. IPS – Inuit Pisinnaatitaaffii pillugit Siunnersuisoqatigiit aamma Inuit Pisinnaatitaaffii pillugit Instituttip nalunaarusiaannik tunngaveqarput.

Kanngutsaatsuliorneq akiorniarlugu ataatsimut

Kanngutsaatsuliorneq akiorniarlugu ataatsimut 2024-mi suliniutit annerpaat ilagaat. Suliniummik tamatuminnaga siunertaavoq meeqqat innarluutillit kinguaassiutitigut kanngutsaatsuliorfigineqartarnerat akiorniarlugu ilisimasani, paasissutissanik aamma aaqqiissutininik katersinisaq. Suliniummut tassunga saqqummersitat marluupput. Ataaseq nalunaarusiaavoq annertoq, siammasissumik meeqqanik innarluutilinnik kinguaassiutitigut kanngutsaatsuliornermik misissuiffiusoq, sanngiiffinnik aamma eqimattanik aarlerinartorsiortuninik tikkuaasoq, kiisalu inuiaqatigiinni immikkoortut suut meeqqanik kanngutsaatsuliornermik pititsisarnersut misissuiffiusoq. Ilanngullugu inummot aamma inuiaqatigiinnut kingunerisat misissorneqarput, kiisalu inuttut aamma politikkikkut qanoq suliaqartoqarsinnaaneranut aaqqiissutininik imaqarluni. Saqqummersitap aappaa ilitersuutaavoq, meeqqanut innarluutilinnut najukkami inuiaqatigiinni isumannaanerumik qanoq pilersitsisoqarsinnaanera pillugu. Suliamik suliaqartunut kiisalu suliaqartunut allanut, siunnersuutininik imaqarpoq, kommunimi aqutsisut aamma najukkami politikerit immikkut, kommuniminni meeqqanut innarluutilinnut atugarisanik pitsaanerusuninik qanoq pilersitseqataasinnaanerannik imaqarluni.

2024-mi saqqummersitat tamarmik Tiliup nittartagaani nassaarineqarsinnaapput.



2025-mut takorluugaq

2025 tassaaginnangilaq Kalaallit Nunaata Inuit Innarlutillit Oqaaseqartartuannik nutaamik peqalerfia – aamma ukioq qinersiviuvoq, Kalaallit Nunaat Naalakkersuisunik, Inatsisartunik aamma kommunalbestyrelsiniq nutaanik taasiffigisaa.

Tiliumi tulluusimaarutigingaarpaput Kalaallit Nunaat aamma nunaalermat maligassiuusooq, Kunngaqarfimmi Danmarkimiinnaangitsoq, Nunanili Avannarlarni tamani, uagut siulliulluta inuit innarlutillit pillugit suliaasaqarfimmi aalajangersimasumik Naalakkersuisoqaleratta.

2025 ukiuuniarpasippoq nutaanik pilersitsinernik imaqluartoq – maani Kalaallit Nunaanni peqatigiiffiit, kattuffiit aamma oqartussaasut suleqatigalugit inuit innarlutillit pillugit inatsissatut siunnersuummik nutaamik suliaaqarneq aallartilerpaput.

Kalaallit Nunaanni suliffeqarfinnik assigiinngitsunik suleqatigiinnissamut isumaqatigiissutit nutaat pilersinneqalereerput, sulii amerlanernik ilaartortussaallutik. Tiliumi siunissami sulinerput nammineq oqaatsitsinni, kulturitsinni iluaqutissatsinnilu tunngavilerniarparput – pineqartillutami ilaasuaannassaagut.

Tiliup pilersaarusiorpaa inuiaqatigiinni oqallinneq assigiinngisitaarnerusoq pilersissallugu, tassani inuiaqatigitut pingaartitavut, oqaatsivut aamma kulturperput inuit innarlutillit taakkulu pisinnaatitaaffii pillugit oqallinnermi atatitsisuussapput – allannguneq nammineq ilutsinnit pissaaq.

2025-mi Tiliup kommunit suleqatigineri nukittorsassavaa, ilaatigullu suleqatigiinnikkut 2026-mi 2027-milu Tiliup nuna tamakkerlugu sinerissami misissuinissaa piareersarneqassaaq, NP-it Inuit Innarlutillit pillugit Ataatsimiititaliansuanut nalunaarusiornissap tullianut piareersaatigaluni.

Tiliumi sulisut. Saamimmiit: Karen Lerch, Emma Christensen, Marita Jessen, Anja Hynne Nielsen aamma Aannguaq Reimer-Johansen.





Tiliumut tapersersuisut

Kalaallit Nunaanni inuit innarluutillit peqatigiiffii tamaasa qujaffingarpagut.

Suleqatigisatsinnut tamanut qujangaarpagut.

2024-mi Tiliup tapersersorneqarsimanerput tulluusimaarutigaa. Aningaasaateqarfiit, pulje-t, kattuffiit aamma suliffeqarfiit, inuit innarluutillit pisinnaatitaaffiik sulissuteqarnitsinnut ikiuussimasut tulluuttut qujaffigerusuppagut:

Tips og lotto

Østifterne

Nordatlantpuljen

KNR - Kalaallit Nunaata Radioa

Isumaginninnermik Aqutsisoqarfik

Inuit Pisinnaatitaaffii pillugit Institutti

Elsass Fonden

Hotel Hans Egede

Cafe Esmaralda

Taseralik

Hotel Sisimiut

Hotel SØMA

Knud Rasmussenip Højskolia

Great Greenland

Air Greenland

NunaFonden

Grønlandsbanken

Inuk Design

Godthaab Bryghus

Isaksen Design

Nilak A/S

Inua Showroom

Canon

